

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ Մ Ա Ն

«-----» «-----» 2022 թվականի N---Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2021 ԹՎԱԿԱՆԻ ԱՊՐԻԼԻ 8-Ի N489-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 33-րդ հոդվածը՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2021 թվականի ապրիլի 8-ի «Եվրասիական տնտեսական միության անդամ պետությունների միջև փոխադարձ առևտուր իրականացնելիս վտանգավոր թափոնների անդրսահմանային տեղափոխման եզրակացության (թույլատրագիր) տրամադրման կարգը հաստատելու մասին» N489-Ն որոշման (այսուհետ՝ որոշում) հավելվածում կատարել հետևյալ փոփոխությունները և լրացումները՝

- 1) 3-րդ, 4-րդ և 6-րդ կետերում «դիմումատու» բառը՝ բոլոր հոլովածներով փոխարինել «հայտատու» բառով՝ համապատասխան հոլովածներով.
- 2) 3-րդ կետում «գրավոր դիմում» բառերը փոխարինել «հայտ» բառով.
- 3) 4-րդ կետում «կարող է ներկայացնել առձեռն կամ փոստով կամ էլեկտրոնային եղանակով» բառերը փոխարինել «ներկայացնում է «Հայաստանի Հանրապետության արտաքին առևտրի ազգային մեկ պատուհան էլեկտրոնային հարթակում (www.trade.gov.am) հասանելի «Թույլատվական փաստաթղթեր (sw.gov.am)» համակարգի միջոցով (այսուհետ՝ էլեկտրոնային եղանակով):».
- 4) 6-րդ կետից «, փոստով կամ առձեռն» բառերը հանել.

5) 7-րդ կետից «կարող է տրվել թղթային կամ» բառերը փոխարինել «տրամադրվում է էլեկտրոնային եղանակով՝ սույն կարգին կցված Ձևին համապատասխան լրացված» բառերով.

6) հավելվածը լրացնել հետևյալ բովանդակությամբ 7.1-րդ և 7.2-րդ կետերով.

«7.1. Այլ երկներ ներկայացնելու անհրաժեշտության դեպքում, հայտատուի գրավոր պահանջով, եզրակացության (թույլատրագիր) բնօրինակը տրամադրվում է առձեռն կամ ուղեկցող գրությամբ (փոստով)՝ հայտատուի լիազոր մարմին դիմելուց հետո՝ երեք աշխատանքային օրվա ընթացքում:

7.2. Անհաղթահարելի ուժի առկայության դեպքում, հայտատուն սույն կարգի 3-րդ կետով սահմանված հայտը, փաստաթղթերը և տեղեկությունները կարող է ներկայացնել, իսկ լիազոր մարմինը եզրակացությունը (թույլատրագիր) կամ սույն կարգի 6-րդ կետով սահմանված գրությունը կարող է տրամադրել թղթային տեսքով (փոստով կամ առձեռն):».

7) 11-րդ կետը հանել.

8) 13-րդ կետում «Տրված» բառը փոխարինել «Սույն կարգի 7.1-րդ և 7.2-րդ կետերով նախատեսված դեպքերում տրամադրված» բառերով:

2. Սույն որոշումն ուժի մեջ է մտնում Հայաստանի Հանրապետության արտաքին առևտրի ազգային մեկ պատուհան էլեկտրոնային հարթակում (www.trade.gov.am) հասանելի «Թույլատվական փաստաթղթեր» (sw.gov.am) էլեկտրոնային համակարգի միջոցով եզրակացության (թույլատրագիր) տրամադրման ենթահամակարգի գործարկման օրվանից: